

কবি হাসানআল আব্দুল্লাহ-র নতুন গষ্ঠ

শহীদ কাদরী:সময়ের সম্পন্ন স্বর-এর আলোচনা উৎসব

নিউইয়র্ক থেকে প্রকাশিত আন্তর্জাতিক কবিতা পত্রিকা 'শব্দগুচ্ছ' সম্পাদক বিশিষ্ট কবি হাসানআল আব্দুল্লাহ-র নতুন গ্রন্থ 'শহীদ কাদরী: সময়ের সম্পন্ন স্বর'-এর উপর এক আলোচনা সভা অনুষ্ঠিত হয় ৬ নভেম্বর রোববার জ্যাকসন হাইটস-এর এসটিভির পুরোনো অফিসে। অনুষ্ঠানে সভাপতিত্ব করেন সাপ্তাহিক প্রবাসীর প্রতিষ্ঠাতা সম্পাদক সৈয়দ মোহাম্মদ উল্যাহ। বিশেষ অতিথি হিসেবে উপস্থিত ছিলেন বিশিষ্ট লেখক ও মানবাধিকার নেতা শাহরিয়ার কবির, গল্পকার জ্যোতিপ্রকাশ দত্ত ও কবি ইমরুল চৌধুরী। শহীদ কাদরীর মতো একজন বড়ো কবির উপর এ ধরনের বই প্রকাশের জন্যে শাহরিয়ার কবির হাসানআল আব্দুল্লাহকে ধন্যবাদ জানান। তিনি বলেন, "ওরাল হিস্ট্রি যদিও বিশ্বসাহিত্যে নতুন, তথাপি এর গুরুত্ব অপরিণীম। হাসানআল দীর্ঘ ১২ বছর ধরে কাদরীর সাথে কথোপকথনের ভেতর দিয়ে যে বই উপহার দিয়েছেন কাদরীকে গভীর ভাবে জানার জন্যে তা আমাদের যথেষ্ট কাজে লাগবে। এই নিষ্ঠাবান কর্মের জন্যে হাসানআল আব্দুল্লাহর প্রতি আমরা শ্রদ্ধান্বিত হয়ে পড়ি। তিনি একজন কবি বলেই কাদরীর প্রতি সংবেদনশীল--এ বই নতুন প্রজন্মের লেখকদের উদ্বুদ্ধ করবে।" গ্রন্থের প্রকাশক লেবুভাই ফাউন্ডেশন-এর আতাউর রহমান বলেন, "নতুন ভাবে উপস্থাপন করার দৃষ্টান্ত পেয়েই আমি এ-বই প্রকাশের সিদ্ধান্ত নেই। বাংলা সাহিত্যে এ ধরনের গ্রন্থ দ্বিতীয়টি আছে বলে আমার জানা নেই।" ইমরুল চৌধুরী তাঁর সম্পাদিত ত্রেমাসিক কবিতা পত্রিকা 'কালের যাত্রা'র ব্যানারে ঢাকায় এ বইয়ের একটি প্রকাশনা উৎসব করার ঘোষণা দিয়ে বলেন, "কাদরীর মতো কবিদের নিয়ে এ-রকম গ্রন্থ অনেক আগেই বেরুনের দরকার ছিলো। গ্রন্থখানা বাংলাদেশের অন্যান্য গুরুত্বপূর্ণ কবিদের উপর এ ধরনের প্রকাশনায় নতুন প্রজন্মের লেখকদের উৎসাহ দেবে।" উল্লেখ্য এ বইয়ের সংগ্রহভাগ লেখা 'কালের যাত্রা'য় ধারাবাহিক ভাবে প্রকাশিত হয়। সভাপতির বক্তব্যে সৈয়দ মোহাম্মদ উল্যাহ বলেন, "এ ধরনের গ্রন্থ পশ্চিমা সাহিত্যে থাকলেও বাংলায় একেবারেই নেই। একজন বড়ো কবির প্রতি ঋণ শোধ করার পাশাপাশি সাহিত্যক্ষেত্রে একটি গুরুত্বপূর্ণ সংযোজন করেছেন হাসানআল আব্দুল্লাহ।" কবি হাসানআল আব্দুল্লাহ বলেন, "আমি কাদরীর জীবনী লেখিনি--বাংলা ও বিশ্ব কবিতা বিষয়ে তাঁর মতামতের একটি দীর্ঘ সিনপসিস তৈরী করেছি মাত্র।" প্রশ্নোত্তর পর্বে আমানুল্লোয়ার এক প্রশ্নের জবাবে তিনি বলেন, "না, কাদরীকে নিয়ে কোনো উপন্যাস লেখার চিন্তা আমার নেই।" গ্রন্থে কাদরীর তৃতীয় স্ত্রীর উল্লেখ নেই কেনো এমন এক প্রশ্নের জবাবে তিনি জানান যে কাদরীর তৃতীয় বিয়ের আগেই বইয়ের কাজ শেষ হয়ে যায়। জ্যোতিপ্রকাশ দত্তের অন্যএক প্রশ্নের জবাবে তিনি লেখকের সততার প্রতি জোর দিয়ে বইয়ের কিছু অংশ পড়ে শোনান। প্রশ্নোত্তর পর্বে আরো অংশ নেন আফিফা খানাম, ঝর্ণা চৌধুরী, শাহরিয়ার কবির, পুরবী বসু, শামস আল মমিন প্রমুখ। সন্ধ্যা ছ'টা থেকে সাড়ে ৮টা পর্যন্ত প্রায় সাড়ে তিন ঘণ্টার এই আলোচনা সভায় প্রবাসের বিপুল সংখ্যক সাহিত্যিক ও সাহিত্যমোদি ছাড়াও আওয়ামী লীগের সাংসদ, দেশের প্রথম রাষ্ট্রপতি সৈয়দ নজরুল ইসলামের পুত্র সৈয়দ আশরাফুল ইসলামও উপস্থিত ছিলেন। কাদরীর সাথে লগ্নে বসবাসের সময়ের বিভিন্ন মুখরোচক গল্প বলে তিনি দর্শকশ্রোতাদের আনন্দ দেন। কবিতালাপ নিউইয়র্কের আয়োজনে এ অনুষ্ঠান পরিচালনায় ছিলেন সংগঠনের সাধারণ সম্পাদক কবি সৈয়দ কামরুল। অনুষ্ঠানে বইয়ের বেশ কিছু কপি বিক্রি হয়।

আতাউর রহমান

চেয়ারম্যান, লেবু ভাই ফাউন্ডেশন

নিউইয়র্ক